

Fundargerð félagsfundar-03 Vatns- og fráveitu- félags Íslands, Aðalfundur VAFRÍ 2013

Haldinn: Stofa 158 í VRÍI - húsi Verk- og raunvísindadeildar HÍ við Hjarðarhaga.

Tími: 30. apríl 2013 kl. 12.00

Fundarstjóri: Sigurður Magnús Garðarsson, deildarforseti umhverfis- og byggingarverkfræðideildar HÍ

Þátttakendur: Boðaðir félagsmenn.

Dagskrá:

1. Setning fundar og kjör fundarritara.

Sigurður Magnús Garðarsson setti fundinn og stakk upp á að Sigurbjörn Búi Sigurðsson yrði fundarritari og var það samþykkt.

2. Erindi: „Hreint vatn fyrir heiminn“, Sveinn Þórólfsson.

Sveinn Þórólfsson, prófessor við NTNU í Noregi, hélt erindi um hreint vatn fyrir alla.

3. Erindi: „Kynning á flóðahandbókinni“, Jónas Elíasson.

Jónas Elíasson, prófessor emerítus við Háskóla Íslands kynnti flóðahandbókina, sem er aðgengileg á vefsíðu VAFRÍ. Hann greindi frá því að stefnt verður að því að halda námskeið úr efni flóðahanbókarinnar.

4. Aðalfundarstörf VAFRÍ

a. Skýrsla stjórnar.

Hrund Andradóttir, Formaður VAFRÍ, las upp skýrslu formanns sem fjallar um sögu félagsins, fjölda félaga, markmið með félaginu og áherslur nýrrar stjórnar á árinu 2012-2013. Greint var frá formlegri skráningu félagsins, stofnun og uppbyggingu vefsíðu félagsins, ráðstefnuhaldi og innheimtu félagsgjalda.

b. Endurskoðaðir reikningar félagsins.

Íris Þórarinsdóttir las upp Rekstrarreikning VAFRÍ 2012-2013. Rekstrartekjur félagsins voru 78 þkr. Rekstrarniðurstaða og eignir í lok árs voru 73 þkr í peningum.

c. Kosning stjórnar

Eftirtaldir aðilar gáfu aftur kost á sér í stjórn VAFRÍ:

Hrund Ó. Andradóttir, dósent við HÍ

Íris Þórarinsdóttir, fagstjóri fráveitu Orkuveitu Reykjavíkur

Dagur Jónsson, Vatnsveitustjóri, Vatnsveitu Hafnarfjarðar
Jónas Elíasson, prófessor emerítus, HÍ

Aldís Ingimarsdóttir gaf ekki kost á sér áfram. Henni er þakkað fyrir gífurlega vel unnin störf. Stungið var upp á Sigurbirni Búa Sigurðssyni tæknistjóra kalda vatnsins hjá Orkuveitu Reykjavíkur.

Þessi 5 manna stjórn var samþykkt samhljóða af fundargestum. Hrund var endurkjörin sem formaður félagsins til eins árs í senn.

d. Kosning skoðunarmanns til eins árs í senn.

Lagt var til að skoðunarmaður með félaginu yrði áfram Hilmar Sigurðsson, var það samþykkt samhljóða.

e. Ákvörðun á félagsgjöldum.

Á stofnfundi félagsins var lagt til og samþykkt að félagsgjöld yrðu 2000 kr á ári, Innheimta á þessum félagsgjöldum hófst síðasta ár. Hrund lagði til að félagsgjöld yrðu áfram 2000 kr á einstakling, en jafnframt væri boðið upp á fyrirtækjaaðild, þar sem fyrirtæki undir 20 heildarstarfsmanna myndu greiða 10.000 kr í ársgjald og stærri fyrirtæki myndu greiða 20.000 kr í ársgjald. Fyrirtækjaaðild gæti einfaldað innheimtu hjá fyrirtækjum með marga starfsmenn. Báðar tillögur voru samþykktar samhljóða af fundargestum.

f. Önnur mál.

Margir tóku til máls eftir formleg aðalfundarstörf:

- Sveinn Þórólfsson beindi til stjórnar að íhuga að úthlutað yrði úr sjóð sem yrði til hjá félaginu, til afburðarnámsmanna.
- Nokkrir fundarmenn ræddu um innheimtu félagsgjalda og hvort ekki væri rétt að senda rukkun í heimabanka til að ekki gleymdist að greiða eða sendur póstur til að minna menn á greiðslu. Þetta verður skoðað.
- Um það bil 20 manns voru á fundinum.

Fundi var lokið um kl. 13.45

Fundarritari: Sigurbjörn Búi Sigurðsson, sigurbjorn.bui.sigurdsson@or.is